

Posterior Decanatus

Mⁱ. Elia Col de Vilars,

a Die tertia Mensis Novembris 1742.

ad Diem Septimam Mensis Novembris 1744.



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.

*QUOD LIBETARIIS DISPUTATIONIBUS
manè discutienda in Scholis Medicorum, die Jovis decimâ - quintâ
Novembris, anno Domini M. DCC. XLII.*

M. ANDRÆA CANTWEL, è Regiâ Scientiarum
Societate Londinensi, Doctore Medico, Præfide.

An Sanitas à debito partium tono?

I.

UT hominem duo constituunt essentialiter diversa, alterum spiritus, ratiocinans, immortale; alterum materia, cogitationis incapax, incorruptibile; sic duplex in illo distingui vita potest, altera corporis, hominis altera. Hæc in mutuo, quod mentem inter & corpus intercedit, commercio, illa in mechanico partium corporis motu posita est. Prioris beneficio sensus & motus voluntarii perficiuntur, posterioris ista fovetur & subsistit: illa hominem ab automata discriminat, hæc corpus aptum menti domicilium reddit. Illius tamen ista modus est & mensura: eam alterata vitiat, correctâ emendat, cessans terminat. Anima quidem corpori præest, illius motus dirigit, mutat, sistit, renovat; ipsius tamen status determinatum corporis statum individuum comitatur, & Medicina in solum corpus agens confusas animæ, cum delinquit, conditiones restituit. Hinc sanitatem, corporis licet & animæ simul munia importet, corpoream investigasse satis erit.

Corpus humanum machina hydraulico-pneumatico elastica, duplici consistat partium genere, firmarum scilicet & fluidarum. Firmas componunt primariò Atomum cum in modum sibi appositæ & concatenatæ, ut invicem approximari, recedere, vel in diversos flexus sensus valeant. Harum adunatione exurgunt fibrillæ, quæ sibi similibus artificiosè conjunctæ, varia efficiunt organa, hic membranas, illic stamina & filamenta porosa, alibi tubos & canales; undè nova vasa, filamenta, membranae magis composita, quæ prout laxius, strictius, densiusve sibi compinguntur, dant musculos, tendines, cartilagineas, ossa.

Vasorum extrema in minutissimas ducta latè propagines, ultimis aliorum propaginibus ita sunt continua, ut quæ dextro cordis thalamo enascitur pulmonalis arteria, venam det pulmonalem, sinistro cordis ventriculo implantandam; arteria verò aorta posteriori hoc ventriculo egressa, venam progeneret cavam dextro cordis thalamo inferendam. Binas tibi finge arbores, quarum rami ultimi utrique communes à radicibus divisæ, consimiles efformant venas, vasis sanguiferis, receptaculis vel glandulis conglobatis inferendas. Vasa hæc lymphatica adiunt, & in plures divelli series decrecentes, ratio suadet. Horum tamen ramuli aliquot vel aperturæ in folliculos, vel ductibus excretoriis inseruntur, vel hiant in cavitates, vel in superficies patuli desinunt secretoriorum, excretoriorum vel perspiratoriorum titulo insignes. Isthis respondent venulæ absorbentes, infundibuliformes, ab omni habitis & cavitatum puncto in venas lymphaticas productæ.

Fluida vasis recedentis contenta, & valvulis, quibus venæ ornantur, sulca, vi cordis agi, artetiarum systole premi, & accumbentium musculorum contractionibus cogi nequeunt & urgeri, quin antiorum motu, viarum sequantur directiones & aperturas, cunctasque prætervecta ambages, ad cor, undè prodierunt, revehantur. Motu hoc superfluo, utcumque imperfecto, vivitur; æquabili verò & nullatenus impedito, sanitas firma stat, atque integra.

I.

IN corpore humano quot viscera, tot machinæ, in quodlibet viscus machinularum compages. Singulis suus usus est, & structura diversa. Singulis sua adstant fluida, suus circulus. Senlui cerebrum & voluntatis nutui famulatur. Cordi cerebrum & respiratori inservit. Mol-

lius illud & cavitatibus instructum : solidius hoc & omni cavo destitutum. Alterum comprimi vel in majorem expandi molem paritur : alterum pressiois est & expansionis incapax substantia in utroque haud multum dissimilis, organa admodum diversa observantur : arbusculæ hic & trunci, illic nates, testes, fornix, vulva, anus. Horum alterutro fortiter compello, contuso planè, obstructo prorsus, vel suppurato, cessat integrè functionum, quibus delineatur, exercitium; libero, aperto, sano restituitur.... Cur in Peripneumoniâ respiratio quandoque læsa, quandoque suffocatio? Pulmones sanguini elaborato dicati, immensam singulis instantibus aëris quantitatem admittunt, sanguinisque quilibet cordis contractione tantumdem, quantum in aëram universo corpori distribuendum eructatur. Hic autem transmitti nequit, quin vel locum cedat fluidum præcedens, vel vas infarctis collateralialia eò distendantur, ut & suis & infarctorum diametris æqualem unâ quantitatem recipiant, cui & aër undique premens, & dolorifica fibrillarum distractio obstat. Si transudante quod liquidissimum est, reliquum efflescat, coarcevetur, colligatur, serpit per lobum integrum vel utrumque inflammatio, motus perit circulatorius, suffocatur æger. Hinc faciliè explicabis cur frequentius sanguinis missione respiratio in Peripneumoniâ liberior, cur morbus quandoque profligatur?... *Parenchymatis* structuram intimius rimare, duplicem in illo circuitum reperies, pulmonalem alterum, alterum bronchiale; visceris hunc, illum totius corporis esse; paucis illum vas & bronchiis ubique coherentibus, majoribus istum numero ferè infinitis, singulas bronchiorum divisiones comitantibus, & extremis ramusculis vesiculas, corymbi vel rectis adiusul coronantibus petagi; sanguinem illic paucum, præparatum, fluxilem, lymphaticum, nutritium; hic multum, effertum, crassum, torpidum, præparandum.... Cur ergo Peripneumonia bronchialis pulmonali levior?... Cur spūto copioso, crasso, cito, libero, flavo, cum paucò sanguine mixto sederet aliquandò dolor, emendetur respiratio, pulsus amplior fiat & plenior, tollatur morbus?... Cur spūto aliquandò copioso, tenui, lymphatico, acri, omnia in pectus ruant?

Syncope præceps virium lapsus & functionum cessatio à subitaneo pavore, vel tristia ac inexpectato nuntio sæpe producit, cardiacis itidem fugatur. In priori casu imminuto cordis motu retardatur circuitus, in posteriori restituto acceleratur. Hæc vel ipse pulsus docet.

Non lymphæ minis quàm sanguinis ad sanitatem circulus requiritur. Hæc ab arterioso sanguine secreta, & suis tandem muniis functa, unâ sui parte inuicilis & excrementitia è corpore amandatur, altera utilis & recrementitia per venas revehitur sanguini commiscenda. Illius excretionem sistito; rheumatismum, febrem, vomitum induces : hujus refluxui obicem imponito, anasarcam, hydrocelem, ascitem, pectoris hydropem, hydrocephalum, pro loci varietate produces; neque hosce unquam morbos curare, quin refluenti lymphæ viam aperias, licebit.

I I I.

SOLIDORUM tonus tria dicit, tensionem, flexibilitatem & molliciem. Posteriore duo à constructione fibrillarum elementari sequuntur : prius vim atomis innatam, quâ sese mutuo attrahunt, dicunt alii; alii à violento, quo fibræ sunt statû & elasticitate earum nativâ deducunt. Nervum dividit vel tendinem, extrema statim retracta ab invicem recedunt. Musculum profundius transversum vulnera, nuda ferè citius ita resiliunt vulneris labia; ut excusum indè frustulum dicetes. Luxatum os aliquod majusculum, musculis instructum, humeri v. g. vel femoris curiosius range, musculos breviores folio reperies, & violentâ admodum distractione producos, ut os reponatur; non adeò tamen violentus est fibrarum status, ut distrahî ulterius nequeant, quin rampantur. Quanta integumentis, quanta musculis abdominilibus ab ascite in hypodipici expansio infertur, quanta utero in gravidis à foetu grandiore à gemello; quanta seroto in herniâ intestinali & hydrocele; quanta ventriculo in heuionibus; intestinis à flatibus; glandulis colli à serophulis; testium canaliculis ab humore stagnante; præputio ab emphysemate? Remota tamen causâ, dictæ partes ad pristinum & naturalem ferè citò statum resiliuntur. Fibræ igitur quævis vi donatur contractilibi, elongari renitentur, accurtari & in minorem molem reduci conatur, in vivo plus, in mortuo minus. Et hinc cadavera proceræ magis statutz sunt. Vis hæc tonus est. In sanis viget, in ægris pro diverso morbi genere admodum alteratur. Neque eundem semper, vigente etiam sanitate, gradum obtinet. Intensor jam, jam remissior, corporis superficiem coarctat modò & contrahit, modò relaxat atque extendit. In somnum lapsi, vel læcho recumbentes, placido dum fruimur otio, tumet manifestò corpus, color faciei & colli roseus est & floridior, calor totius augeatur, maior sen lenior odor solet emanare; non exutæ vestes mollesciunt, non solutæ cruales fasciæ, vel fibulæ calcate intumescunt utrinque dolorificas pariant. Frigidiori exponamur aëri; consensum stringimur, pallescit corpus, venæ refugiant, eminent papillæ, cutisque deplumant. Anseris similina evadit. Non hæc sufficient? Terrore percussum, irâ motum, spasmis agitatum, tertianæ febris accessione horrentem sedulus intueri, quot occurrent intensioris toni indicia? Paralyticum contemplate, ut mollescant partes, resolvuntur & tumeant; ut si cessent musculi, & è locis ossa quasi spontè elabuntur! Hominem aspice, quem diversa successivè afficiunt animi pathemata; quot subitò depressi, subitòque aucti argumenta toni observabis! Tonum motus parium necessariò sequitur, quo fluida verberantur, eorum cursus promovetur, diriguntur, organis & vasibus sua distribuitur fluida ratio, generalis verbò circuitus perficitur & fovetur.

I V.

SINGULIS partibus corporis nostri mollioribus motus est qui ubi manifestior systolicus, ubi obscurior oscillatorius nuncupatur. Systolicus corde & arteriis perspicuus in reciprocâ systole & diastole, vel alternâ vasorum contractione & dilatatione consistit, Oscillatorius, quem

villorum alii contractilitatem, alii elaterem constrictorium & expansivum, alii tandem motum tenicum dicunt, toti fibrarum nervarum, tendinearum, muscularium & membranacearum systemati tribunt, ab ipsarum tono potissimum pender, & famoso apud hodiernos physiologos *Oscillationis* nomine venit. Est autem *Oscillatio* in genere motus reciprocus, sive corporis ejusdem itus & reditus per eandem ultro citroque viam. Talem aequilibrata, sive singula ut pendula, sive bina apposita, ut duæ lancee libræ cum huc & illuc moventur, jam ascendant vicissim & descendunt, edere videntur. *Oscillatio* in machinâ humanâ, est illa incessum successiva & æqualis detereminatio, est illa solidorum, ut ita dicam, vibratio, quâ fluida premunt alternatim & verberant, quâ stringuntur alternatim ipsa & in humores ad contactum fluentes impingunt, quâ capacitatis partium tam porosarum quam tubulosarum singulis instantibus alteratur, quâ humores per illas vel diffunduntur liberius, vel inde exprimuntur. Hanc & Baglivi & Leuwenhoekius observarunt, eandem & ratio dari evincit: fibræ enim tensæ, flexiles & elasticæ, à fluidis perpetuò appellentibus, premi, atque in motum deduci necessariò debent. Neque ea cordis est & arteriarum systole, quæ motum sanguini imprimat, undè infinitas penè dixerim resistentias partium, per quas fluit refluatque, superare valeat. Fibræ igitur omnes, quasi totidem vestes in levamen & subsidium cordis multiplicati, motu hic sensibili, fysitalico, hic insensibili, oscillatorio, fluidorum cursum promovent, atque accelerant.

Non in motum agi tantum, sed & loca versùs determinata humores dirigi postulat circuitus. Hinc systoles natura & oscillationes spiræ figuram imitari voluit, ne retrorsum quæ ac antrosum fluida truderent. Contractio cordis ab apice, arteriarum à venticulis incipit. Partium mollium porosarum ad venas, in venis à ramis ad radices, in lymphaticis à peripheriâ ad centrum, in glandulis ad finem ductûs excretorii motus tendit. Docent hæc autopsiæ, Leuwenhoekii experimenta, valvulæ, analogia. Non idem ubique partium tonus est, ne contractiones & oscillationes sibi non respondeant, diversæque sint in diversis partibus energię, pro majori vel minori mole fluidi movendâ, & communicandâ velocitate, ut singulis nimirum diametris mole suâ dispenseetur. Hæc toni & oscillationum modificatio harmoniæ solida inter & solida speciem constituit. Altera requiritur species harmoniæ genus inter musculolum & nervosum, ut impetus scilicet & actio partium nervosarum & membranacearum tono, robori & motui partium carnosarum sint proportionata: fibræ enim omnis carnea circumvestitur membrana, muscoli omnes non tantum peculiari ambiuntur membrana, sed & nervi carnosum ubique muscoli partem penetrant, & inter fibras ejus corrugari contrahique faciles, multiplicia radium arboris adinstar filamenta spargunt & exportant, quæ fibras carneas artè complectuntur, interseant atque decussant. Hæc considerare licet veluti totidem digitos singulis plethri chordis appositos ut fibrarum tonum sustineant, motus sufficerent, actiones derminerent & moderarentur. Eundem in finem vas sanguiferis, aliisque ductibus & canalibus nervi tanquam frenæ aut lora totidem injecti arteriæ truncum constringunt, sanguinis influxum moderantur, cumque pro partium quibus destinatur exigentiis, variè dispensati faciunt. Hoc in plexibus observatu dignum quos lora quasi reduplicata merito consideraveris, quibus vasorum motus reguntur, invigorantur, temperantur. Ejusdem usus sunt & rheæ & capsulæ, quæ ductus sanguiferos in nonnullis partibus obvelant.

V.

NON à vitiatò solidorum tono minus læditur, quàm à debito constituitur & fovetur circuitus. Spasmodica affectionis audi effectus, audi & atoniæ. In illâ tonus summè augeatur, tenio adest maxima, robur nimium, & elaterium excedens, vel pars flexibilitate destituta, rigida manet, dura & immobilis. In istâ fibræ debiles & resolutæ, languet elaterium, infirmitate ad contractiōnem nixus vel deficit, vel imminuitur. Posterior fluida in partem relaxatam uberius admitti, signis propelli, & minus arteri efficit; hinc lentior motus, imminuta fluxilitas, congestiones, stagnationes, corruptiones; solidorum infarctus, obstructions, morbi chronici, humorum decubitus, feri fecellio, cacoehymia, cachexia, atrophia, febres, & inæquabilis fluidorum motus. Si initium vel medium ductûs secretorii, vasive adherentis relaxetur, peragitur languidus secretio, & excretio imminuitur. Si excretorii ductûs officium debilitetur excretio modum superans diarrhæas, sudores nimios, egestiones copiosiores, gonorrhæam, vel fluorem album producit. Prior humorum in parte affectâ intercepti omnino, vel plurimum impeditur transitûs causa est, crescente nimirum ad contractionem nixu stringuntur vasa, minuantur diametri, angulantur cavitates & arctantur pori. Ubi pars rigescit, motus perit systolicus, retinentur in parte affectâ humores, undè stagnatio, italis. Ubi contractio violentior fit, ad contactum pelluntur humores, incuneantur, compinguntur, strangulantur, & spissiores evadunt; serosa magis portio secedit & exprimitur facilius: hinc concretiones, polypi, skirrh, phlogoses, apostemata, catarrhi, rheumatismi & similia. Ubi obex sanguini circulanti ponitur, majori copiâ ad alias partes, & inprimis vicinas, liberiores & magis patentes ruit: undè tensiones & extravasationes horrentæ, inflammationes, mictus & sudores sanguinolenti, fluxus hepatici. Affecto spasmodicè nervoso genere, contractiones accidunt violentiæ musculorum, motus æviunt epileptici, pluraque contingunt anomala circa fluidorum progressus: nervi enim hibernarum adinstar ductus sanguiferos ubique circumligant. Spasmo sanguiferâ, venas præsertim occupante, nova opponitur cordi resistentia, frequentior fit & intensior motus systolicus, sanguis ad cor ægrius revertitur, serumque lymphatica eâ subit quantitate, ut vel in molem excreverant enormem, undè hydatides, vel nimia distensione rumpantur, undè effusiones feri, vel im-

4

pacto in venis sanguine, & hinc impedito lymphæ in eas ingressu, cogitur hæc ad perspiratoris
 majori copiâ deferri; undè hydropes. Si secretoria spasmus teneat, secretenda sanguini permixta
 manent & aliorum deferuntur; undè multiplex error loci, multiplex morbus: exemplum dat
 icterus à constrictis vasis biliferis. Ubi solida magis elastica sunt, in vividiores rapta motus vi
 majori ac impetu vibrantur, suosque ictus reduplicant; hinc auctus fluidorum motus, & eo-
 rumdem major attritio. Sanguis majori protusul celebritate, in immensum quasi abripitur, con-
 currit & trituratur: hinc major valorum in sanguinem renixus, & horum sanguinisque at-
 tritus validior ad invicem, calores, rubores, partium tensiones, ruptiones, obstructions, de-
 obstructions, febres, respirationes frequentes & anhelosas, inflammationes, gangrenam, sphac-
 elum, & ipsam sæpius mortem daturus. Dum sanguis ita agitur & atteritur, incalcescit care-
 nus & rarefit, ut cum effervere & ebullire quis crederet? Hinc particularum ejus dissolutio,
 nexus illarum dislocatio, ejusdem resolutio in salia oleaque volatilia & acria, tandem ejus inspi-
 satio, & sæpius lechifera exsiccatio, diffilatur aquosum, reliquum putrescit, solida ubique in
 contractiones rapiuntur violentas, tonus & structura destruantur. Auctis secretorum & ex-
 cretoriorum oscillationibus, secretio & excretio copiosiores contingunt. Si nervorum & mem-
 branarum oscillationes increbrescant, convelluntur muscoli, vel contrahuntur frequentius, ne-
 que dispari modo afficiuntur tubuli & canales vehendis fluidis destinati. Si oscillationum series
 interrumpitur, fluida inæqualiter premuntur, vasaque nec simultaneâ dilatazione aperiuntur,
 vel contractione stringuntur, sed diversos potius edunt subsultus; undè sæpius anevrismata, va-
 rices & hydatides. Si oscillationes ad perpendicularum fiant, fluida non sufficienter protruduntur,
 neque versus extremitates valorum potius quam ad partes, undè fluunt, determinantur. Inver-
 sis, h. e. retroactis in systemate tubuloso oscillationibus, interceptiuntur fluidorum motus progres-
 sivi, sequuntur eorum effluxus, inversiones, regurgitationes, & majorum valorum inundatio-
 nes; undè plethoræ, metastases, aliorum effusiones, catarrhi, rheumatismi, dolores vagi. Si
 ad latera detorqueantur oscillationes, alii succis suis frustabuntur tubuli, alienis alii turge-
 bunt: hinc oëx in secretoriis, vel lymphaticis, vel venis ipsis enascitur, undè serum sanguini permix-
 tum manet, vel qui antea lympham admittebant tantum, ipsum jam admittunt sanguinem, sæ-
 piusque eructant: sic in suctione fortiori mammæ, in venere immodicâ testiculi, post nimiam
 irritationem glandulæ intestinales sanguinem dant, vel exurgunt rubores, inflammationes, ex-
 anthemata purpurea & scarlatina, vibices, hæmorrhagiæ, dysenteriæ, & consimilia. Oscilla-
 tionum directiones generis nervosi reflexæ in partibus per quas ascendunt, varios inducunt ef-
 fectus; ad caput perducæ, vel ibi subsistunt cephalalgias, vertigines, affectus soporosos datu-
 ræ, vel inferiora petentes, spasmodicos generant affectus. Exempla dant hysteriæ & epileptici &
 in illis quasi globulus per guttur ascendere, in his aura quasi frigida elevari sentitur. Perit mo-
 tum proportio, dum languent vel omnino extinguuntur in aliquâ parte, quod vel convulsionis
 aut nimie laxitatis ratione fit: hinc auctæ oscillationes in nonnullis partibus; hinc inæqualis
 succorum distributio. Sublato motuum in partibus à se plurimum remotis concentu, v. g. visc-
 ribus, non partialis tantum sanguinis distributio vitatur, verum & totius circulationis ordo
 naturalis læditur: Oscillationibus quippè valorum diametri & constrictiones obtemperant, quæ
 juxta sanguinis distributio peragitur.

Ergo Sanitas à debito partium tono.

DOMINI DOCTORES DISPUTATURI.

*M. Petrus Roussin de Moma-
 bourg, Consiliarius Medicus
 Regis ordinarius, nec-non ur-
 bis Regiæ, Regique Nostro-
 mii San Germani in Loyâ.*

*M. Achilles - Franciscus Fontai-
 ne.*

*M. Joannes Baptista Ludovicus
 Chomel, Medicus Regi ordi-
 narius.*

*M. Hyacinthus - Theodorus Ba-
 ron.*

M. Ludovicus - Maria Pouffe.

M. Antonius Casamejer.

*M. Emmanuel - Mauritus de
 Verney.*

*M. Ludovicus - Claudius Bourde-
 lin, Antiquæ Facultatis De-
 canus, & Regiæ Scientiarum
 Academiæ Socius.*

*M. Michael - Ludovicus Ver-
 nage.*

Proponebat Parisiis FRANCISCUS SALESIVS - DANIEL POUILLIN, Aurelia-
 nus, Doctor Medicus Mompeliensis, à Regiâ Scientiarum Societate Mompeliensi, Faculta-
 tis Medicinæ Parisiensis Baccalaureus, A. R. S. H. 1742. à sexta ad meridiem.